



Republika e Kosovës
Republika Kosova - Republic of Kosovo



Komuna e Prishtinës
Opština Priština -Municipality of Prishtina

Në bazë të nenit 12 paragrafi 12.2, pika d, nenit 17 pika b të Ligjit nr. 03/L - 040, për vetëqeverisje lokale, ("Gazeta zyrtare e Republikës të Kosovës" nr 28/2008), të nenit 15 dhe nenit 20 të Ligjit nr. 2003/14, për planifikimin hapësinor, të nenit 11 të Ligjit për ndryshimin e Ligjit për planifikimin hapësinor nr. 2003/14, të nenit 15, paragrafi 15.1, pika b dhe të nenit 34, paragrafi 34.1, pika b të Statutit të Komunës së Prishtinës 01 nr. 110 - 391, të dt. 25.02.2010, Kuvendi i Komunës së Prishtinës, në mbledhjen e mbajtur më 12.07.2012, merr

V E N D I M
PËR FILLIMIN E NDRYSHIMIT DHE PLOTËSIMIT TË PLANIT RREGULLUES
URBAN TË LAGJES "SOFALIA"

Neni 1.

Fillon ndryshimi dhe plotësimi i Planit rregullues urban të lagjes "Sofalia", i miratuar me Vendimin e Kuvendit të Komunës së Prishtinës, nr. 01-35- 314, të dt. 24.07.2007.

Neni 2.

Me ndryshimet dhe plotësimet e Planit rregullues urban të lagjes "Sofalia", do të rishqyrtohen elementet dhe përmbajtjet e përcaktuara të planit nga neni i 1 i këtij vendimi.

Neni 3.

Bartës i përgatitjes së detyrave për hartimin e planit për ndryshimin dhe plotësimin e Planit rregullues urban të lagjes "Sofalia" është Drejtorja e Urbanizmit, Ndërtimit dhe Mbrojtjes së Mjedisit e Komunës së Prishtinës.

Neni 4.

Për ndryshimin dhe plotësimin e Planit rregullues urban të lagjes "Sofalia", nga neni 3 i këtij vendimi, Komuna do të angazhojë kompani profesionale, sipas procedurave të parapara ligjore.

Neni 5.

Plani rregullues urban i përshkruar në nenin 1 të këtij vendimi, do të miratohet me vendimin e Kuvendit të Komunës së Prishtinës, si projektplan, në mënyrë që ai t'i nënshtrohet diskutimit publik para finalizimit dhe miratimit përfundimtar.

Neni 6.

Për zbatimin e këtij vendimi do të kujdesen Kryetari i Komunës dhe Drejtorja e Urbanizmit, Ndërtimit dhe Mbrojtjes së Mjedisit.
Organet tjera komunale do të kryejnë veprimet përkatëse nga përgjegjësitë e tyre të përcaktuara me ligj, me qëllim të zbatimit të këtij vendimi.

Neni 7.

Ky Vendim hyn në fuqi 8 (tetë) ditë nga dita e publikimit të tij në tabelën e shpalljes dhe ueb faqen e Komunës së Prishtinës.

KUVENDI I KOMUNËS SË PRISHTINËS
01. Nr. 035 - 25404 Dt. 12.07.2012

KRYESUESI I KUVENDIT
Sami Hamiti, ecc. i dipl.